



**BASES DA CONVOCATORIA PARA A CONTRATACIÓN CON CARÁCTER TEMPORAL DE I ESTIMULADOR/A PRECOZ, Grupo II, 03, NA XEFATURA TERRITORIAL DA CONSELLERÍA DE POLÍTICA SOCIAL NA CORUÑA.**

**PRIMEIRA.- Normas xerais**

**1.1 Número e característica da praza.**

Convócase proceso selectivo para a contratación de un “estimulador/a precoz”, grupo II, categoría 03:

- Centro: Xefatura Territorial (Unidade Atención Temperá)
- Contrato de relevo a tempo parcial.
- Xornada de traballo: 75% da xornada ordinaria establecida no V Convenio Colectivo para o persoal laboral da Xunta de Galicia.
- Duración: Ata 12.04.2022

**1.2 Procedemento de selección.**

Concurso. A baremación deste apartado realizarase segundo o establecido no V Convenio Colectivo Único para o persoal laboral da Xunta de Galicia.

**1.3 Incompatibilidades**

O posto de traballo está sometido ó réxime xeral de incompatibilidades establecido na Lei 53/1984, do 26 de decembro, e disposicións complementarias.

**SEGUNDA.- Requisitos dos aspirantes**

**2.1 Xerais.**

Para ser admitidos a esta convocatoria os aspirantes deberán reunir no último día do prazo de presentación de instancias os seguintes requisitos:





2.1.1. Ser español ou nacional dun estado membro da Unión Europea, ou nacional dalgún Estado, ó que en virtude dos tratados internacionais celebrados pola Unión Europea e ratificados por España lle sexa de aplicación a libre circulación de traballadores.

Tamén poderán participar o cónxuxe dos españois, dos nacionais dalgún dos demais Estados membros da Unión Europea e dos nacionais dalgún Estado, ó que en virtude dos tratados internacionais celebrados pola Unión Europea e ratificados por España lle sexa de aplicación a libre circulación de traballadores, sempre que non estean separados de dereito, así como os seus descendentes e os do seu cónxuxe, menores de vinteún anos ou maiores da dita idade que vivan ás súas expensas..

2.1.2. Ter cumpridos dezaseis anos de idade e non ter acadada a idade de xubilación.

2.1.3. Titulación: Diplomatura en fisioterapia ou grao nunha titulación que habilite para o exercicio da profesión de fisioterapeuta; grao en psicoloxía ou grao nunha titulación equivalente da rama de ciencias da saúde; ou grao en pedagogía ou grao nunha titulación equivalente da rama de ciencias sociais e xurídicas.

No caso de titulacións obtidas no estranxeiro deberase estar en posesión do documento que acredite fidedignamente a súa homologación.

2.1.4. Posuir o diploma ou certificado que acredite o grao de perfeccionamento do idioma galego ou Celga 4 (Orde do 16 de xullo de 2007- DOG do 30 de xullo).

2.1.5. Estar en situación de desemprego, e dicir, non atoparse en situación de alta o asimilada á alta na Seguridade Social.

2.1.6. Non padecer enfermidade nin estar afectado por limitación física ou psíquica que sexa incompatible co desempeño das correspondentes funcións.

2.1.7. Non estar separado do servizo de ningunha Administración Pública en virtude de expediente disciplinario, nin se atopar inhabilitado por sentenza firme para o exercicio de funcións públicas.





2.1.8. Non estar condenado por sentenza firme por ningún delito contra a liberdade e a indemnidade sexual, que inclúe a agresión e abuso sexual, acoso sexual, exhibicionismo e provocación sexual, prostitución e explotación sexual e corrupción de menores, así como por trata de seres humanos.

Os aspirantes que non teñan a nacionalidade española deberán acreditar igualmente non estar sometidos a sanción disciplinaria ou condena penal que impida, no seu estado, o acceso á función pública.

### **TERCEIRA.- Solicitudes**

#### **3.1 Forma**

Quen desexe tomar parte no proceso selectivo deberá presentar solicitude acompañada de:

- Copia do DNI ou pasaporte.

Os aspirantes estranxeiros que residan en España deberán ademais presentar unha fotocopia cotexada da tarxeta de residente comunitario ou de familiar de residente comunitario en vigor ou, se é o caso, da tarxeta temporal de residente comunitario ou de traballador comunitario fronteirizo en vigor.

Os aspirantes que sexan nacionais da Unión Europea ou dalgún estado ó que, en virtude dos tratados internacionais celebrados pola Unión Europea e ratificados por España, lles sexa de aplicación a libre circulación de traballadores, ben por residir no estranxeiro ou por atoparse en España en réxime de estadía, deberán presentar unha fotocopia cotexada do documento de identidade ou pasaporte.

Os familiares dos anteriores deberán presentar unha fotocopia cotexada do visado e, se é o caso, do xustificante de ter solicitado a correspondente tarxeta ou xustificante de ter solicitado a exención do visado e da correspondente tarxeta. De non ter solicitado estes documentos deberán presentar os documentos expedidos polas autoridades competentes que acrediten o vínculo do parentesco e unha declaración xurada ou promesa do español, do nacional dalgún dos demais estados membros da Unión Europea e do nacional dalgún estado, ó que en virtude dos tratados internacionais celebrados pola Unión Europea e ratificados por España, lles sexa de aplicación á libre circulación de traballadores, co que





existe este vínculo, de que non está separado de dereito do seu cónxuxe, e se é o caso, do feito de que o aspirante vive ás súas expensas ou está o seu cargo.

- Copia cotexada do título académico requirido nesta convocatoria .
- Documento xustificativo de estar en posesión do título do curso de perfeccionamento de galego, Celga 4 ou equivalente debidamente homologado pola Dirección Xeral de Política Lingüística da Consellería de Educación e Ordenación Universitaria da Xunta de Galicia.
- Documento xustificativo de atoparse en situación de desemprego mediante informe de vida laboral ou certificación acreditativa do Servizo Público de Emprego.
- Ós efectos de xustificación dos servizos prestados na Xunta de Galicia e noutras administracións públicas será necesario aportar certificación de servizos prestados.
- Os efectos de xustificación dos servizos prestados nas empresas privadas será necesario aportar copia cotexada dos contratos de traballo ou certificación de empresa e informe de vida laboral expedido pola Tesourería Xeral da Seguridade Social.
- Copia cotexada dos diplomas acreditativos dos cursos.

### 3.2 Destinatarios, lugar de presentación e prazo

As solicitudes serán dirixidas ó Presidente do Tribunal de selección e se presentarán no Rexistro da Xefatura Territorial da Consellería de Política Social da Coruña ( rúa Salvador de Madariaga, nº 9-1º planta) ou nas oficinas previstas no artigo 16 da Lei 39/2015, do 1 de outubro, do Procedemento Administrativo Común das Administracións Públicas.

Neste caso deberá adiantar toda a documentación vía fax ( nº fax 981- 18-21-19) ou correo electrónico (persoal.benestar.co xunta.es).

Independentemente das solicitudes recibidas, solicítase ao Servizo Público de Emprego a presenza de desempregados segundo o disposto no artigo 7.5 b) do V Convenio Colectivo para o persoal laboral da Xunta de Galicia.

O prazo de presentación finaliza o día 18 de abril de 2018.

*M. C. M. C.*